



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ԱՇԽԱՏԱՆՔԻ ԵՎ ՍՈՑԻԱԼԱԿԱՆ ՀԱՐՑԵՐԻ ՆԱԽԱՐԱՐ

Հ Ր Ա Մ Ա Ն

«13» հունվարի 2006 թ.


N 113-Ն/Վ

«ՎԱՆԱԶՈՐԻ ՄԱՆԿԱՏՈՒՆ» ՊԵՏԱԿԱՆ ՈՉ ԱՌԵՎՏՐԱՅԻՆ  
ԿԱԶՄԱԿԵՐՊՈՒԹՅԱՆ ԿԱՆՈՆԱԴՐՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ

Ղեկավարվելով «Պետական ոչ առևտրային կազմակերպությունների մասին»  
Հայաստանի Հանրապետության օրենքի 11-րդ հոդվածով՝


ՀՐԱՄԱՅՈՒՄԵՄ

1. Հաստատել՝  
«Վանաձորի մանկատուն» պետական ոչ առևտրային կազմակերպության կանոնադրությունը նոր խմբագրությամբ (կցվում է),
2. «Վանաձորի մանկատուն» պետական ոչ առևտրային կազմակերպության տնօրեն Ա. Հարությունյանին՝  
ա) եռօրյա ժամկետում «Վանաձորի մանկատուն» պետական ոչ առևտրային կազմակերպության կանոնադրությունը սահմանված կարգով ներկայացնել պետական գրանցման,  
բ) «Վանաձորի մանկատուն» պետական ոչ առևտրային կազմակերպության կանոնադրության պետական գրանցումից հետո 15-օրյա ժամկետում իրականացնել իրավաբանական անձին հատուկ ատրիբուտների (կնիք, դրոշմակնիք և այլն) ձևավորման հետ կապված կազմակերպական աշխատանքները:

  
Ա. ԿԱՐԴԱՆՅԱՆ

«ՀԱՍՏԱՏՎԱԾ Է»


Հայաստանի Հանրապետության  
աշխատանքի և սոցիալական  
հարցերի նախարարի  
2006թ. 13 06  
թիվ 113/Ն հրամանով



«ԳՐԱՆՑՎԱԾ Է»

Հայաստանի Հանրապետության  
իրավաբանական անձանց պետական  
նեգիստրի Վանաձորի տարածքային  
բաժնում 2003թ. Դեկտեմբեր 12-ը  
գրանցված է պետ. նեգիստրի  
Վանաձորի  
տ/բ կողմից  
գրանցված է պետ. նեգիստրի  
Բաժնում

*Կոփ*



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՇԽԱՏԱՆՔԻ ԵՎ ՍՈՑԻԱԼԱԿԱՆ  
ՀԱՐՑԵՐԻ ՆԱԽԱՐԱՐՈՒԹՅԱՆ «ՎԱՆԱԶՈՐԻ ՄԱՆԿԱՏՈՒՆ» ՊԵՏԱԿԱՆ  
ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ

ԿԱՆՈՆԱԴՐՈՒԹՅՈՒՆ

## I. Ընդհանուր դրույթներ

1. Հայաստանի Հանրապետության աշխատանքի և սոցիալական հարցերի նախարարության «Վանաձորի մանկատունը» (այսուհետ՝ մանկատուն) շահույթ ստանալու նպատակ չհետապնդող իրավաբանական անձի կարգավիճակ ունեցող, սոցիալական բնույթի մանկական խնամակալական պետական ոչ առևտրային կազմակերպություն է:

Մանկատունը ստիճառվել է Հայաստանի Հանրապետության աշխատանքի և սոցիալական հարցերի նախարարության «Վանաձորի մանկատուն» պետական հիմնարկի վերակազմավորման միջոցով և հանդիսանում է վերջինիս իրավահաջորդը:

2. Մանկատան գործունեությունը կարգավորվում է Հայաստանի Հանրապետության Զաղաքացիական օրենսգրքով, «Պետական ոչ առևտրային կազմակերպությունների մասին» Հայաստանի Հանրապետության օրենքով, իրավական այլ ակտերով, սույն կանոնադրությամբ:

3. Մանկատունը ստեղծված է համարվում օրենքով սահմանված կարգով պետական գրանցման պահից:

4. Մանկատան գործունեությունը ֆինանսավորվում է Հայաստանի Հանրապետության պետական բյուջեից, Հայաստանի Հանրապետության և օտարերկրյա պետությունների կազմակերպությունների և ֆիզիկական անձանց նվիրատվություններից, բարեգործական նպատակներով տրամադրվող միջոցներից, իր կողմից իրականացվող ձեռնարկատիրական գործունեությունից և օրենքով չարգելված այլ գործունեությամբ ստեղծված միջոցներից:

5. Մանկատունը որպես սեփականություն ունի առանձնացված գույք և իր պարտավորությունների համար պատասխանատու է այդ գույքով:

Մանկատունը կարող է իր անունից ձեռք բերել և իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:

6. Մանկատունը այլ կազմակերպության հիմնադիր կամ մասնակից կարող է հանդիսանալ միայն հիմնադրի որոշմամբ:

7. Հիմնադիրը պատասխանատու չէ իր ստեղծած մանկատան պարտավորությունների, իսկ մանկատունը իր հիմնադրի պարտավորությունների համար:

8. Մանկատունն ունի Հայաստանի Հանրապետության պետական զինանշանի պատկերով և իր անվամբ կլոր կնիք ու դրոշմակնիք, (հայերեն, ռուսերեն, անգլերեն) ինչպես նաև ձևաթղթեր:

9. Մանկատունն ունի ինքնուրույն հաշվեկշիռ, հաշվարկային հաշիվ բանկերում՝ Հայաստանի Հանրապետության արժույթով և արտարժույթով:

10. Մանկատան գտնվելու վայրն է. Հայաստանի Հանրապետություն, Լոռու մարզ, ք. Վանաձոր, Տարուն-2, ԲՇՀ-4

11. Կազմակերպության անվանումն է՝

հայերեն լրիվ՝ Հայաստանի Հանրապետության աշխատանքի և սոցիալական հարցերի նախարարության «Վանաձորի մանկատուն» պետական ոչ առևտրային կազմակերպություն,

հայերեն կրճատ՝ ՀՀԱՍՀՆՎՄՊՈԱԿ

ռուսերեն լրիվ՝ Министерство труда и социальных вопросов Республики Армения "Детский дом города Ванadzor" Государственная не коммерческая организация

ռուսերեն կրճատ՝ МТСВРАДДГВГНКО

անգլերեն լրիվ՝ Ministry of Labour and Social Issues «Orphan's home of Vanadzor» State non Commercial Organization

անգլերեն կրճատ՝ MLSIOHVSNCO:

## II. Մանկատան գործունեության նպատակը և առարկան

12. Մանկատան նպատակը առանց ծնողական խնամքի մնացած երեխաների շուրջօրյա խնամքի ապահովումն է:

13. Մանկատան գործունեության առարկան կազմակերպությունում խնամվող մինչև 18 տարեկան երեխաների սոցիալ-հոգեբանական վերականգնման աշխատանքների իրականացումը, նրանց իրավունքների և օրինական շահերի պաշտպանությանն աջակցելը, սննդով, հագուստով և կենցաղային իրերով ապահովումը, խնամքի և դաստիարակության ապահովումը, ուսուցման և բժշկական օգնության կազմակերպումն է:

## III. Մանկատան գործառույթները

14. Մանկատունն իրականացնում է հետևյալ գործառույթները.

- ա) կազմակերպում է երեխաների ընդունելությունը,
- բ) աջակցում է նրանց հարմարվելու նոր սոցիալական միջավայրին,
- գ) կազմակերպում է սաների կենցաղային սպասարկումը, ապահովում է նրանց համապատասխան խնամքի մեթոդներով, անկողնային պարագաներով, հագուստով, կոշիկներով,
- դ) ապահովում է համապատասխան սննդով՝ ելնելով երեխայի տարիքից և առողջական վիճակից,
- ե) կազմակերպում է երեխաների ուսումը հանրակրթական դպրոցներում,
- զ) կազմակերպում է մասնագետ բժիշկների օգնություն, շուրջօրյա բժշկական սպասարկում, անհրաժեշտության դեպքում՝ դիսպանսերիզացում և հոսպիտալացում,
- է) իրականացնում է երեխա որդեգրել ցանկացող քաղաքացիների ծանոթացումը որդեգրման ենթակա երեխաների հետ օրենսդրությամբ սահմանված կարգով,
- ը) նախապատրաստում է որդեգրման կամ խնամակալության հանձնվող երեխաների փաստաթղթերը,
- թ) կազմակերպում է երեխաների ամառային հանգիստը,
- ժ) ստեղծում է մասնագիտացված աշխատատեղեր և կազմակերպում երեխաների մասնագիտացմանն ուղղված աշխատանքներ,
- ժա) պահպանում է սաների սեփականություն հանդիսացող գույքը Հայաստանի Հանրապետության օրենսդրությամբ սահմանված կարգով
- ժբ), անցկացնում է սանհիգիենիկ, հակահամաճարակային միջոցառումներ,
- ժգ) կազմակերպում է աշխատանքներ՝ ուղղված անձնակազմի որակավորման բարձրացմանը:

15. Մանկատունը գտնվում է հատուկ կառուցված շենքում, որը համապատասխանում է սանիտարա-հիգիենիկ, հակահրդեհային և անվտանգության տեխնիկայի պահանջներին և ունի երեխաների կյանքի և կենցաղի համար անհրաժեշտ բարեկարգ պայմաններ:

16. Մանկատունն իրականացնում է ձեռնարկատիրական գործունեության հետևյալ տեսակները՝ երեխաների խնամքի ու դաստիարակության վճարովի ծառայությունների մատուցում, խնամվողների և նրանց աշխատանքի կազմակերպիչների ուժերով խոշոր եղջերավոր անասունների բուծում, խոզերի բուծում, մսատու թռչունների բուծում, կարտոֆիլի և տնկանյութի աճեցում, բանջարեղենի, դրանց սերմերի և սածիլների աճեցում, այգեգործություն:

17. Մանկատունը կարող է ունենալ հիմնարկներ, ներկայացուցչություններ կամ մասնաճյուղեր, որոնք ստեղծվում են հիմնադրի որոշմամբ:

## IV. Մանկատան կառավարումը

18. Մանկատան ընդհանուր կառավարումն իրականացնում է հիմնադրի կողմից լիազորված պետական մարմինը (այսուհետ՝ լիազորված պետական մարմին):

19. Լիազորված պետական մարմինը՝

ա) ապահովում է մանկատան բնականոն գործունեությունը և պատասխանատվություն է կրում դրա չկատարման կամ ոչ պատշաճ կատարման համար,

բ) հաստատում է մանկատան եկամուտների և ծախսերի տարեկան մախահաշիվը,

գ) սույն կանոնադրությամբ սահմանված կարգով մանկատան տնօրենի ներկայացմամբ հաստատում է մանկատան կառուցվածքը և աշխատողների թիվը,

դ) իրականացնում է մանկատան գործունեության նկատմամբ վերահսկողություն,

ե) կասեցնում կամ ուժը կորցրած է ճանաչում մանկատան տնօրենի՝ Հայաստանի Հանրապետության օրենսդրության պահանջներին հակասող հրամանները, հրահանգները, կարգադրություններն ու ցուցումները,

զ) լսում է մանկատան գործունեության մասին հաշվետվությունները, քննում է նրա գործունեության վերստուգման արդյունքները, հաստատում մանկատան տարեկան հաշվետվությունները և տարեկան հաշվեկշիռը,

է) վերահսկողություն է իրականացնում մանկատանն ամրացված պետական սեփականության օգտագործման ու պահպանման նկատմամբ,

ը) վերահսկողություն է իրականացնում մանկատան սեփականության պահպանության նկատմամբ, համաձայնություն է տալիս մանկատան գույքի օգտագործման կամ վարձակալության հանձնման համար,

թ) իրականացնում է «Պետական ոչ առևտրային կազմակերպությունների մասին» Հայաստանի Հանրապետության օրենքով, հիմնադրի որոշումներով և սույն կանոնադրությամբ նախատեսված այլ գործառույթներ:

20. Մանկատան ընթացիկ գործունեության ղեկավարումն իրականացնում է տնօրենը, ում պաշտոնի նշանակում և պաշտոնից ազատում է լիազորված պետական մարմինը:

21. Մանկատան տնօրենին պաշտոնի նշանակելն ու պաշտոնից ազատելը իրականացվում է «Պետական ոչ առևտրային կազմակերպությունների մասին» Հայաստանի Հանրապետության օրենքով:

Տնօրենը պետք է ունենա բարձրագույն կրթություն:

Տնօրենի հետ կնքվում է պայմանագիր, որը հիմնադրի անունից ստորագրում է լիազորված պետական մարմնի ղեկավարը: Պայմանագրով սահմանվում են տնօրենի իրավունքները, պարտավորությունները, պատասխանատվությունը և փոխհարաբերությունները լիազորված պետական մարմնի հետ, նրա աշխատանքի վարձատրության պայմանները, պայմանագրի դադարեցման օրենքով նախատեսված բոլոր հիմքերը և այլ դրույթներ, որոնք անհրաժեշտ կգտնեն պայմանավորվող կողմերը:

Պայմանագրի դրույթները չեն կարող հակասել Հայաստանի Հանրապետության աշխատանքային օրենսդրության պահանջներին՝ բացառությամբ օրենքով նախատեսված դեպքերի:

22. Տնօրենը կրում է պատասխանատվություն օրենքների, այլ իրավական ակտերի, հիմնադրի կամ լիազորված պետական մարմնի որոշումների, սույն կանոնադրության և կնքված պայմանագրերի պայմանները չկատարելու կամ ոչ պատշաճ կատարելու համար:

Մանկատան տնօրենը օրենսդրությամբ սահմանված կարգով հանդես է գալիս, որպես մանկատան երեխաների խնամակալ:

23. Տնօրենը չի կարող զբաղեցնել այլ պաշտոն կամ կատարել վճարովի այլ աշխատանք, բացի գիտական, մանկավարժական և ստեղծագործական աշխատանքից:

24. Տնօրենը լրիվ գույքային պատասխանատվություն է կրում իր մեղքով մանկատանը և (կամ) պետությանը պատճառած վնասի համար: Նրա լիազորությունների դադարեցումը հիմք չէ պատճառած վնասը հատուցելու պարտականությունը չկատարելու համար:

25. Տնօրենը՝

ա) առանց լիազորագրի հանդես է գալիս մանկատան անունից, ներկայացնում է նրա շահերը և կնքում է պայմանագրեր,

բ) Հայաստանի Հանրապետության օրենսդրությամբ, հիմնադրի և լիազորված պետական մարմնի որոշումներով և սույն կանոնադրությամբ սահմանված կարգով տնօրինում է մանկատան գույքը, այդ թվում ֆինանսական միջոցները,

գ) տալիս է մանկատան անունից հանդես գալու լիազորագրեր, այդ թվում՝ վերալիազորման իրավունքով լիազորագրեր,

դ) աշխատանքի է նշանակում և աշխատանքից ազատում մանկատան աշխատակիցներին, նրանց նկատմամբ կիրառում է խրախուսման միջոցներ և նշանակում կարգապահական տույժեր,

ե) բանկերում բացում է հաշվարկային հաշիվներ,

զ) կատարում է աշխատանքի բաշխում իր տեղակալների միջև,

է) լիազորված պետական մարմնի հաստատմանն է ներկայացնում մանկատան կառուցվածքը, աշխատողների թիվը, ներքին կարգապահական և այլ կանոնները,

ը) օրենքով և սույն կանոնադրությամբ սահմանված կարգով իր լիազորությունների սահմաններում արձակում է հրամաններ, տալիս կատարման համար պարտադիր ցուցումներ և վերահսկում դրանց կատարումը,

թ) սահմանված կարգով լիազորված պետական մարմին է ներկայացնում մանկատան եկամուտների և ծախսերի տարեկան նախահաշիվը,

ժ) հաստատում է ձեռնարկատիրական գործունեության եկամուտների և ծախսերի նախահաշիվը,

ժա) իրականացնում է Հայաստանի Հանրապետության օրենսդրությանը չհակասող այլ լիազորություններ:

ժբ) հաստատում է մանկավարժական խորհրդի կանոնադրությունը և կազմը:

26. Տնօրենը պարտավոր է չկադրել հիմնադրի և լիազորված պետական մարմնի՝ Հայաստանի Հանրապետության օրենսդրությանը հակասող որոշումները, կարգադրությունները, հրամանները, հրահանգները և դրանց չկատարման համար չի կարող ենթարկվել պատասխանատվության:

27. Տնօրենի բացակայության ժամանակ, նրա հրամանով, տնօրենի լիազորություններն իրականացնում է տնօրենի տեղակալը:

28. Երեխաների խնամքի, ուսուցման, բժշկա-սոցիալական, սոցիալ-հոգեբանական վերականգնման, դաստիարակչական հարցերը քննարկելու և լուծելու նպատակով ստեղծվում է սոցիալ-մանկավարժական խորհուրդ (այսուհետ՝ խորհուրդ):

29. Խորհրդի կազմում ընդգրկվում են տնօրենը, տեղակալները, ավագ մանկավարժը, աշխատանքի հրահանգիչը, խմբակների ղեկավարները, բժիշկը, այն դպրոցի տնօրենը, որտեղ սովորում են մանկատան սաները և այլ մասնագետներ, լիազորված պետական մարմնի ներկայացուցիչը:

30. Խորհուրդը կազմված է 11 անդամներից:

31. Խորհրդի նախագահը ընտրվում է խորհրդի անդամներից խորհրդի կանոնադրությամբ սահմանված կարգով,

32. Խորհրդի նիստերը գումարվում են եռամսյակը մեկ անգամ և ըստ անհրաժեշտության:

33. Խորհուրդն իրականացնում է հետևյալ գործառույթները.

ա) քննարկում և հաստատում է մանկատան աշխատանքային պլանը, բուժպրոֆիլակտիկ ծրագրերը, ուսումնադաստիարակչական աշխատանքների ծրագրերը,

բ) քննարկում է դաստիարակչական խմբերի և բաժանմունքների աշխատանքների կազմակերպման հարցերը,

գ) քննարկում է դաստիարակների, բժշկական անձնակազմի և այլ աշխատողների աշխատանքային գործունեությունը,

դ) քննարկում է երեխաների խնամքի և սպասարկման նոր ձևերի ներդրման նպատակահարմարությունը

ե) քննարկում է երեխաների մասնագիտական կողմնորոշման, նրանց հետագա ուսման կազմակերպման, աշխատանքի տեղավորման հարցերը:

34. Խորհուրդի գործունեության կարգը սահմանվում է խորհրդի կանոնադրությամբ:

35. Մանկատան աշխատողների իրավունքները և պարտականությունները սահմանվում են Հայաստանի Հանրապետության օրենսդրությամբ, սույն կանոնադրությամբ, կոլեկտիվ պայմանագրով, մանկատան աշխատանքային ներքին կանոնակարգերով և այլ իրավական ակտերով:

#### V. Մանկատան սեփականությունը

36. Մանկատան սեփականությունը ձևավորվում է կազմակերպության հիմնադրման ժամանակ և հետագայում հիմնադրի կողմից սեփականության իրավունքով նրան հանձնվող, ինչպես նաև մանկատան գործունեության ընթացքում արտադրված ու ձեռք բերված գույքից:

Մանկատան գույքի ձևավորման աղբյուր կարող են հանդիսանալ նաև Հայաստանի Հանրապետության ու օտարերկրյա պետությունների իրավաբանական և ֆիզիկական անձանց կատարած ներդրումները, այդ թվում բարեգործական, նպատակային հատկացումներն ու նվիրատվությունները, կտակած գույքը:

37. Մանկատունն իրավունք ունի օրենքների, հիմնադրի կողմից լիազորված պետական մարմնի որոշումների և սույն կանոնադրությանը համապատասխան իր հայեցողությամբ տիրապետել, տնօրինել և օգտագործել սեփականության իրավունքով իրեն պատկանող գույքն ու ֆինանսական միջոցները:

38. Մանկատան սեփականության իրավունքով պատկանող գույքի նկատմամբ հիմնադիրը չունի իրավունքներ, բացառությամբ մանկատան լուծարումից հետո մնացած գույքի:

39. Մանկատան սեփականության պահպանման հոգսը կրում է մանկատունը:

40. Մանկատան սեփականության վրա կարող է բռնագանձում տարածվել միայն դատական կարգով:

#### VI. Մանկատան ամրացված գույքը

41. Հիմնադրի որոշումով մանկատան անժամկետ ու անհատույց օգտագործման իրավունքով ամրացվում է ցանկացած գույք:

42. Հիմնադիրն իրավունք ունի հետ վերցնել իր կողմից մանկատան ամրացված գույքը:

43. Մանկատունն իրավունք չունի ամրացված գույքը կամ դրա նկատմամբ իր իրավունքներն օտարել, գրավ դնել, հանձնել անհատույց օգտագործման:

Մանկատունն իրավունք ունի իրեն ամրացված գույքը պետության անունից հանձնել վարձակալության, եթե դա արգելված չէ հիմնադրի որոշմամբ: Ամրացված գույքի օգտագործման արդյունքում մանկատան ստացած եկամուտները մանկատան սեփականությունն են:

44. Հիմնադրի կողմից մանկատան ամրացված անշարժ գույքի կամ պետական պարտադիր գրանցման ենթակա գույքի նկատմամբ մանկատան օգտագործման իրավունքը ծագում է դրանց նկատմամբ իրավունքի պետական գրանցման պահից:

#### VII. Մանկատան ձեռնարկատիրական գործունեությունը

45. Մանկատունն իր հիմնական գործունեությանը զուգընթաց ձեռնարկատիրական գործունեությամբ կարող է զբաղվել միայն օրենքով կամ հիմնադրի որոշմամբ ուղղակիորեն նախատեսված դեպքերում և գործունեության տեսակներով: Լիցենզավորման ենթակա գործունեության տեսակներով մանկատունը կարող է զբաղվել միայն լիցենզիայի հիման վրա:

46. Մանկատան գործունեության ընթացքում առաջացած շահույթն օգտագործում է սույն կանոնադրությամբ նախատեսված նպատակների իրականացման համար՝ հիմնադրի սահմանած կարգով:

47. Մանկատունն իր կարիքների համար գումուները կատարում է «Գումուների մասին» Հայաստանի Հանրապետության օրենքով սահմանված կարգով: Հայաստանի Հանրապետության պետական բյուջեով մանկատան համար ուղղակիորեն նախատեսված

50/24

միջոցների սահմաններում մանկատան կողմից պետությանը մատուցվող ծառայությունների, աշխատանքների և ապրանքների գնումն իրականացվում է մեկ աղբյուրից գնումների կատարման ձևով: Մանկատան կողմից պետությանն այլ ծառայություններ, աշխատանքներ կարող են մատուցվել կամ ապրանքներ իրացվել միայն «Գնումների մասին» Հայաստանի Հանրապետության օրենքով նախատեսված կարգով:

48. Մանկատան հարկերը, տուրքերը և պարտադիր այլ վճարումները վճարում է շահույթ ստանալու նպատակ չհետապնդող կազմակերպությունների համար նախատեսված կարգով ու չափով:

սն  
1

**VIII. Վերահսկողությունը մանկատան գործունեության նկատմամբ**

49. Մանկատան գործունեության նկատմամբ վերահսկողությունն իրականացնում են հիմնադիրը, լիազորված պետական մարմինը, ինչպես նաև օրենքով նախատեսված այլ պետական կառավարման մարմիններ:

ծք  
221

50. Մանկատան ֆինանսական հաշվետվությունների արժանահավատությունը ենթակա է վերստուգման (աուդիտի)՝ լիազորված պետական մարմնի կողմից ընտրված անկախ ատդիտորական կազմակերպության կամ Հայաստանի Հանրապետության ֆինանսների և էկոնոմիկայի նախարարության ֆինանսական վերահսկողության ստորաբաժանման կողմից:

**IX. Մանկատան վերակազմակերպումը և լուծարումը**

51. Մանկատունը կարող է վերակազմակերպվել հիմնադրի որոշմամբ, Հայաստանի Հանրապետության քաղաքացիական օրենսգրքով սահմանված կարգով:

Մանկատունը դատական կարգով կարող է վերակազմակերպվել օրենքով սահմանված դեպքերում և կարգով:

52. Մանկատան լուծարմամբ նրա գործունեությունը դադարում է՝ առանց իրավունքները և պարտականությունները իրավահաջորդության կարգով այլ անձանց անցնելու:

53. Մանկատունը կարող է լուծարվել հիմնադրի որոշմամբ, Հայաստանի Հանրապետության քաղաքացիական օրենսգրքով սահմանված կարգով: Այն կարող է լուծարվել նաև սնանկության հետևանքով:

54. Մանկատունը դատական կարգով կարող է լուծարվել միայն օրենքով նախատեսված դեպքերում և կարգով:

55. Մանկատան լուծարման դեպքում նրա պարտատերերի պահանջների բավարարումից հետո մնացած գույքն ուղղվում է Հայաստանի Հանրապետության պետական բյուջե: